

فريق التفريغ بموقع الطريق إلى الله
يقدم
مادة الدعوة بالمعهد القرآني الدعوي
(باللهجة المصرية)

لفضيلة الشيخ: د/ حازم شومان

رابط المادة:



بسم الله والصلاة والسلام على رسول الله

آية النار في سورة الأعراف :-

قال تعالى أحنا دلوقتي ص 29 آيات سورة الأعراف

قال تعالى " لَهُمْ مِنْ جَهَنَّمَ مِهَادٌ وَمِنْ فَوْقِهِمْ غَوَاشٍ ۗ وَكَذَلِكَ نَجْزِي الظَّالِمِينَ " [الأعراف: 41]

هو ده قول (درر المنصور السيوطي) وجاب قول (ابن عاشور) يعني أيه المهاد المهاد ده يعني سخرية يعني المهاد بتاع النونو بقى اللي بيفرش تحته والغواش اللحاف البطانية الحاجات اللي زي ديه يعني

أنواع العذاب في الآية :-

والعياذ بالله المعنى هنا جايب 3 أنواع من العذاب

1- عذاب الوحدة عذاب الوحدة اللي هو سجن أنفرادي اللي هو بيتعذب نار من فوق ونار من تحته ولوحده والعياذ بالله مين بقى اللي قالها (الدرر المنصور) اللي هو قالك " إن أراد الله أن يعذب بالنار جعل لكل إنسان منهم تابوتا من نار على قدره يعني تابوت على قده والعياذ بالله أقفل عليه بأقفال من نار فلا يعرف فيه عرق إلا وفيه مسمار ثم جعل ذلك التابوت في تابوت آخر من نار ثم يفل بأقفال من نار ثم يضرم بينهما بالنار فلا يرى أحد منهم أن في النار غيره " وقوله " لَهُمْ مِنْ جَهَنَّمَ مِهَادٌ وَمِنْ فَوْقِهِمْ غَوَاشٍ " يبقى أول حاجة عذاب الوحدة السجن الأنفرادي المرعب

2- الحاجة الثانية عذاب الهجوم عليه عذاب الفزع أن جهنم بتجري عليه من فوق وتحت ومن كل جهة طب ده ليه ده عشان أيه ده عشان أن هو توجه لأي حد في الدنيا إلا ربنا كان يقف على باب أي حد إلا ربنا سبحانه وتعالى

3- والنوع الثالث عذاب الألم الرهيب يعني تخيلوا ده معناه ألم شكله أيه واحد فرشته نار وغطاءه نار وبيصحى على نار وينام على نار من فوقه نار ومن تحته نار والعياذ بالله يعني عذاب الألم

4- النوع الرابع اللي هو عذاب اليأس عذاب اليأس ده بقى كل ما يكشف طبقة يلاقي ايه يلاقي غيرها فطبعا ده عذاب يأس أيه عذاب يأس رهيب

طيب الآية اللي بعديها بقى وهي آية من آيات نعيم الجنة في سورة الأعراف قال تعالى " وَنَزَعْنَا مَا فِي صُدُورِهِمْ مِنْ غَلٍ تَجْرِي مِنْ تَحْتِهِمُ الْأَنْهَارُ " [الأعراف: 43]

معلش أخواني وأخواتي في تعليق مهم في الآية الأولانيه وهو " وَكَذَلِكَ نَجْزِي الظَّالِمِينَ " " لَهُمْ مِنْ جَهَنَّمَ مِهَادٌ وَمِنْ فَوْقِهِمْ غَوَاشٍ ۗ وَكَذَلِكَ نَجْزِي الظَّالِمِينَ " كذلك يعني زي ما ربنا يقولك " مَثَلُ الْجَنَّةِ الَّتِي وَعَدَ الْمُتَّقُونَ " [محمد: 15] يعني والله أعلم زي " مَثَلُ الْجَنَّةِ " مثل الجنة أن كل النعيم ده مثل يعني أيه يعني ده النعيم الحقيقي أعظم وأخطر مليون مرة فهنا وكذلك مش بذلك نجزي لا كذلك يعني زي ده نجزي الظالمين يعني كل ده ممكن كمان يكون تشبيهه على قدر عقولنا إنما جهنم أظع من ده وجهنم أبشع من ده فحرف الكاف هنا يعني حرف مرعب

آية الجنة في سورة الأعراف :-

طيب الآية الثانية ونزعا نزعا شوف الكلمة كلمة النزع دي كده " **وَنَزَعْنَا مَا فِي صُدُورِهِمْ مِنْ غَلٍّ تَجْرِي مِنْ تَحْتِهِمُ الْأَنْهَارُ ۖ وَقَالُوا الْحَمْدُ لِلَّهِ الَّذِي هَدَانَا لِهَذَا وَمَا كُنَّا لِنَهْتَدِيَ لَوْلَا أَنْ هَدَانَا اللَّهُ ۖ لَقَدْ جَاءَتْ رُسُلٌ رَبِّنَا بِالْحَقِّ ۖ وَنُودُوا أَنْ تَتَكَّمُ الْجَنَّةُ أَوْرِثَتُوهَا بِمَا كُنْتُمْ تَعْمَلُونَ** " [الأعراف: 43]

ده أول كلمة بتقال في الجنة يعني أول ما دخلوا الجنة كدا أول كلمة بتقال في الجنة أيه هي " **وَقَالُوا الْحَمْدُ لِلَّهِ الَّذِي هَدَانَا لِهَذَا** " يبقى مش يا سلام على العمل بتاعنا مش يا سلام على التعب بتاعنا الناس دي عارفه يعني رأت نعيم لا يمكن أن يكون على قدر عملهم لذا يقينا برحمة الله فأول حاجة عملوها يعني أول كلمة ليهم الإفتقار وليس المجاهدة

معنى الإفتقار وليس المجاهدة :-

يبقى دي تفهمنا أيه دي تفهمنا أن أحنا ننشئن من دلوقتي على الإفتقار مش المجاهدة دي تفهمك أن أنت دلوقتي تعرفي أن اللي هيدخل الجنة كلمة يارب أن أنت الدعاء والتوسل والتضرع الى الله هو ده الأساس يا جماعة يعني نسأل الله سبحانه وتعالى أن يرزقنا الفردوس الأعلى يارب وأن يرزقنا صحبة الحبيب محمد في الفردوس الأعلى وأن يمتعنا بالنظر إلى وجهه الكريم في الجنة بكرة وعشيا وأعظم من هذا بإذن الله سبحانه وتعالى كمان يا رب وهذا عظيم جدا يعني إذن الإفتقار أول ما دخلوا الجنة قالوا " **الْحَمْدُ لِلَّهِ الَّذِي هَدَانَا لِهَذَا** " يعني ايه يعني نسبوا دخول الجنة نسبوا دخول الجنة لرحمة الله وليس لجهدهم طيب دي نقطة

طيب النقطة الثانية أنهم قالوا " الْحَمْدُ لِلَّهِ الَّذِي " مش الحمد لله أن هدانا لا الذي يعني معناها أيه؟؟؟ يعني مثلا لما يجي واحد عظيم أخترع القنبلة الذرية وعمل الأهرامات وبني القصور واخترع الهندسة وأخترع... وأقول فلان العظيم الذي مثلا الذي عمل الكمبيوتر ليه بقى مبقولش كدا لأن مش دي الحاجة الوحيدة العظيمة اللي عملها ده عمل حاجات تانية فالحمد لله الذي هدانا معناها مش معناها الحمد لله أن هدانا لا الذي معناها أن ربنا عملنا كتير ومن ضمن اللي عملولنا الهداية خدمت بالك من المعنى معني عميق أوووي في حته شكر الله سبحانه وتعالى

أولها طبعا " **وَنَزَعْنَا** " النزع ده لما الشجرة تكون جذورها مجردة في الأرض تتشد غصب عنها عشان كدا " **تَنْزِعُ الْمَلِكُ مِمَّنْ تَشَاءُ** " [آل عمران: 26] حتى ديما الحاكم الظلم ربنا يزيل أي حاكم ظالم من طريقنا يارب اللهم أمين ويزيل الحكام الظلمة اللي جاثنين على أنفاس هذه الأمة يارب اللهم أمين يارب " **وَنَزَعْنَا** " دي معناها أيه أن كله متبت أن الغل هنا متبت في الصدور معناها أن الأمراض النفسية بتاعت الغل والحسد والحقد والغيرة والكبر اللي جوانا دي حاجات عميقة أوي جوانا فاللي مشدهاش في الدنيا ومشلهاش في الدنيا بتتشد منه في الآخرة عشان

طب ده معناه أيه " وَنَزَعْنَا مَا فِي صُدُورِهِمْ مِنْ غَلٍّ " ده معناها أن :-

1- أول حاجة مينفخ جنة معاها غل

2- تاني حاجة أن الغل عذاب والجنة نعيم يعني الغل ده نوع من أنواع العذاب يعني الأخ اللي عنده تعصب لجماعته وتعصب لشيخه ده متعذب ده إنسان متعذب ده غير الإنسان المتسامح الإنسان المتجرد الأخت المتسامحة الأخت اللي بتحب الجميع التي تؤمن بالجميع وتأخذ من الجميع وتعطي للجميع وتتعامل مع الجميع مبدأ من ضمن مبدأنا المنهجية العظيمة أننا نؤمن بالجميع ونأخذ من الجميع ونعطي للجميع ونتعاون مع الجميع أحنا مؤمنين أن الإسلام نهر وأن كل الأعمال قنوت بتصب في النهر وأن أحنا نفسنا قناة من ضمن القنوت فأحنا أتمننا للنهر أحنا بنفرح بأي حاجة بتصب في النهر فالغل ده بقى مسألة التربية النفسية أن لازم النفوس تنزكي قبل دخول الجنة

متي يدخل العبد الجنة؟

وده بيقدونا لنقطة خطيرة جدا اللي هي نقطة الي هي **مكفرات الذنوب** أو **رحلة مكفرات الذنوب** بمعنى أدق أن رقم واحد مصائب الدنيا لو أنت عليك ذنوب مصائب الدنيا تكفرها لو محصلش يبقى شدة الموت تكفرها طب محصلش يبقى القبر يكفرها محصلش يبقى أهوال القيامة تكفرها محصلش يبقى لازم في

النار والعياذ بالله تكفرها يبقى إذن لازم تطهري قلبك من دلوقتي وتزكي نفسك من دلوقتي وإلا هذه ممكن تنزع منك بنوع من أنواع العذاب والعياذ بالله

" وَنَزَعْنَا مَا فِي "

كل بقى ما في " في " دي كأن دي متوغلة الأمراض النفسية بتاعت الغل والحسد و الغيرة متوغلة في الإنسان " مَا فِي صُدُورِهِمْ مِنْ غَلٍ تَجْرِي مِنْ تَحْتِهِمُ الْأَنْهَارُ "

دخلوا في جو تاني من النعيم

" وَقَالُوا الْحَمْدُ لِلَّهِ الَّذِي هَدَانَا لِهَذَا وَمَا كُنَّا لِنَهْتَدِيَ لَوْلَا أَنْ هَدَانَا اللَّهُ "

كلمة عظيمة أوووي في الإفتقار إلى الله

" لَقَدْ جَاءَتْ رَسُولُ رَبِّنَا بِالْحَقِّ وَتُودُوا "

مين اللي بيناديهم ممكن ربنا ممكن الملائكة

" وَتُودُوا أَنْ تَتَّكُمُ الْجَنَّةَ "

الكلمة دي يا جماعة ممكن تكون بتتقال من بره على باب الجنة شوفوا منظرها المذهل من بره يبقى إذن لو من بره الجنة يبقى الوصف المذهل للجنة من الخارج

دي إن شاء الله وبياذن الله خطبة الجمعة القادمة بإذن الله إن ربنا إذن إن شاء الله وبياذن الله درس بس عن الوصف المذهل للجنة من بره

يا أما من جوه الجنة يبقى الوصف المذهل برضوا لرحلة التعرف على جنتك يعني **" تَلَّكُمُ الْجَنَّةَ أَوْرَثْتُمُوهَا "**

كل واحد بقى يتاخذ ألف سنة يرى بس النعيم بتاعه في الجنة ده ده الإستكشاف بس آمال التمتع

" وَتُودُوا أَنْ تَتَّكُمُ الْجَنَّةَ "

وكلمة نودوا ديه يعني على الملاء على الملاء يعني تكريم رهيب يعني عكس الذل بقى عكس الذل بقى اللي فوق بتاع آية النار اللي أحنا قولناها

" وَتُودُوا أَنْ تَتَّكُمُ الْجَنَّةَ أَوْرَثْتُمُوهَا "

الوراثة هي أعلى درجات الملكية أعلى درجات الملكية الفلوس اللي أنت ورثتها ده أعلى التحقيق في الملكية وورثتموها معناها أن في ملكية أن أنت بقيت صاحب الجنة دي بقى

" بِمَا كُنْتُمْ تَعْمَلُونَ "

يبقى معناها أيه أن دايمًا ربط الجنة بالعمل ربط الجنة بالعمل مش بالأمانى ودي معناها في غاية الخطورة وفي غاية الأهمية هنا يا جماعة

طبعا في هنا أيه آثار مهم جدا أن أحنا نتكلم فيها في آخر التعليق على هذه الآية

حديث في صحيح مسلم عن رحمة الله سبحانه وتعالى :-

في صحيح مسلم " لَنْ يَدْخُلَ أَحَدٌ مِنْكُمْ الْجَنَّةَ بِعَمَلِهِ . قَالُوا : وَلَا أَنْتَ يَا رَسُولَ اللَّهِ ؟ قَالَ : وَلَا أَنَا ؛ (لَنْ يَدْخُلَ أَحَدٌ مِنْكُمْ الْجَنَّةَ بِعَمَلِهِ)

يعني ياما لَنْ يَدْخُلَ أَحَدٌ مِنْكُمْ الْجَنَّةَ بِعَمَلِهِ يعني هو تقريبا في مشكلة مطبعية هنا) قَالُوا : وَلَا أَنْتَ يَا

رَسُولَ اللَّهِ ؟ قَالَ : وَلَا أَنَا ؛ إِلَّا أَنْ يَتَّعِدَنِي اللَّهُ بِرَحْمَةٍ مِنْهُ وَفَضْلٍ " [صحيح مسلم]

يعني أيه " إِلَّا أَنْ يَتَّعِدَنِي " يعني زي السيف جوه الغمد كذا يتعمد بالرحمة يعني كل جارحه من

جوارحك كافيها أنها تدخلك النار معاصي عنيك بس كافية أنها تدخلك جهنم طيب والنتيجة أيه بقى أن لما

ربنا يتعمدنا برحمته سبحانه وتعالى يعني عمر جوارحنا برحمته وفضله ساعتها حندخل الجنة

وفي غير الصحيح ليس من كافر ولا مؤمن إلا ولهو في الجنة والنار منزل طبعا الأثر ده أثر خطير جدا

يعني ربنا خلق لكل واحد يعني أنت ليك مكان في الجنة ومكان في النار وأنت قاعدة دلوقتي لو أطعتي الله

هتاخدي مكانك في الجنة وتنجي من مكانك في النار طب لو عصيتي والعياذ بالله تبقى التانيه

إلا أن يغفر الله سبحانه وتعالى ليس من كافر ولا مؤمن إلا ولهو في الجنة والنار منزل فإذا دخلوا أهل الجنة الجنة وأهل النار النار رفعت الجنة لأهل النار فنظروا إلى منازلهم فيها فقليل لهم هذه منازلكم لو علمتم بطاعة الله ثم يقال يا أهل الجنة رثوهم يعني أورثوهم بما كنتم تعملون فتقسم بين أهل الجنة منازلهم

يعني يتفرجوا يتفرجوا على توزيع جنتهم على المؤمنين يعني يشوفوا منظر رهيب يعني منظر مرعب يعني منظر رهيب والمنظر ده بيعرفنا حقيقة خطيرة جدا وهي أنواع عذاب النار يا جماعة أنواع عذاب النار ديبت يعني سبحانه الله العظيم شئ فعلا مرعب أنواع عذاب النار الناس فكراها حريقة يعني لا مش حريقة بس يعني

أنواع عذاب النار :-

- 1- أول حاجة رؤية نعيم أهل الجنة دي أول أنواع عذاب النار أنهم شايفين ناس بتتنعم
- 2- من ضمن أنواع عذاب النار رؤية نعيمهم هما والمؤمنين بيتنعموا بيه يعني ده من ضمن أنواع عذاب النار أنه شاف مكانه في الجنة اللي كان هيسكن فيه وغيره بيسكن فيه
- 3- من ضمن أنواع عذاب النار أنهم بيتفرجوا على توزيع جنتهم على المؤمنين
- 4- من ضمن أنواع عذاب النار والعياذ بالله في القبر بقى لما يروا نعيمهم اللي كانوا برضوا هيخدوه
- 5- من ضمن أنواع عذاب النار الجوع العطش
- 6- من ضمن أنواع عذاب النار ألم الموت
- 7- من ضمن أنواع عذاب النار التجديد المستمر والتزايد المستمر والعياذ بالله
- 8- من ضمن أنواع عذاب النار التئيس اليأس يعني أسلوب اليأس زي آيات كثير جدا بقى في القرآن لا حصر لها

- 9- من ضمن أنواع عذاب النار الحريق أن هو بيتحرق
- 10- من ضمن أنواع عذاب النار الوحده زي ما قلنا من شوية أن أنت ترجع ورا
- 11- من ضمن أنواع عذاب النار والعياذ بالله اللي هي فكرة بقى أيه اللي هي الجزاء من جنس العمل بقى لو أنتوا فاكرين زي سورة النبأ بقى
- يعني أنواع عذاب النار يا جماعة أنواع رهيبه عذاب النار مهوش حاجة بسيطة كدا يعني في ناس فاكراه أنه النار مجرد حريقة النار مش مجرد حريقة النار أخطر من كدا بكتير زي ما قلت لكم قبل كدا أنواع عذاب النار ده ممكن يجي سؤال ممكن يبقى سؤال يجي

- 12- من ضمن أنواع عذاب النار والعياذ بالله الحرمان من رؤية الله والحرمان من كلام الله
- 13- من ضمن أنواع عذاب النار المهانة من ملانكة العذاب
- يعني أنواع لا حصر لها سبحانه الله العظيم يعني نسأل الله المعافاة
- طيب قال الله تعالى " **وَنَادَى أَصْحَابُ النَّارِ أَصْحَابَ الْجَنَّةِ أَنْ أَفِيضُوا عَلَيْنَا مِنَ الْمَاءِ أَوْ مِمَّا رَزَقَكُمُ اللَّهُ قَالُوا إِنَّ اللَّهَ حَرَّمَهَا عَلَى الْكَافِرِينَ** " [الأعراف : 50]

حديث عن وصف أول يوم في الجنة :-

يعني طبعا هو في حديث هنا ذكر حديث خطير جدا برضوا قبل الآية ديبت اللي هو حديث (أبي سعيد رضي الله عنه) و (أبو هريرة) قالوا :-

" **يُنَادِي مُنَادٍ -يعني في أهل الجنة : إِنَّ لَكُمْ أَنْ تَصِحُّوا فَلَا تَسْقَمُوا أَبَدًا** "

ده ده اللي هو وصف أول يوم في الجنة ده أحنا لسه بقى أيه يعني سبحانه الله العظيم يعني ده خطة كبيرة أووي يعني أن أحنا نخطط لأول يوم في الجنة سبحانه الله العظيم

" **إِنَّ لَكُمْ أَنْ تَصِحُّوا فَلَا تَسْقَمُوا أَبَدًا ، وَإِنَّ لَكُمْ أَنْ تَحْيُوا فَلَا تَمُوتُوا أَبَدًا ، وَإِنَّ لَكُمْ أَنْ تَشَبُّوا فَلَا تَهْرَمُوا أَبَدًا ، وَإِنَّ لَكُمْ أَنْ تَنْعَمُوا فَلَا تَبْأَسُوا أَبَدًا** " أيه

القضية ديبت القضية ديبت يعني سبحانه الله العظيم يا جماعة

جهد الإنسان المبذول في الدنيا :- أن أحلام الإنسان أربعة

أحلام الانسان في الدنيا

أزاي الإنسان
مبحرشن

أزاي الإنسان
ميكبرش

أزاي الإنسان
ميموتش

أزاي الإنسان
ميرضش

كل جهد أهل الدنيا على الأربعة دول أول أربع كلمات بيتقالوا في الجنة هما الأربع كلمات دول يانهار أبيض يعني دي البداية يعني الجنة مذهلة يا جماعة الجنة مذهلة يعني زي سبحان الله العظيم لما ربنا يقول آيه " **فِي جَنَّاتِ النَّعِيمِ** " [يونس: 9] وبعد كدا مثلا " **دَعَوَاهُمْ فِيهَا سُبْحَانَكَ** " [يونس: 10] هما لسه بعد جنات النعيم لسه عندهم طلبات يعني هما لسه بعد كل ده عندهم طلبات يعني الجنة فعلا مذهلة. يعني مثلا " **لِلَّذِينَ أَحْسَنُوا الْحُسْنَى** " [يونس: 26] بعد كدا " **وَزِيَادَةٌ** " [يونس: 26] هو بعد الحسنى لسه في طلبات يعني الجنة دي برضوا أنواع نعيم الجنة أنواع نعيم الجنة طبعاً ده موضوع مذل موضوع مذل أن أحنا نخطط لنعيم الجنة.

طيب قال تعالى " **وَنَادَى أَصْحَابُ النَّارِ أَصْحَابَ الْجَنَّةِ** "

طبعاً كلمة " **نَادَى** " دي اللي هي يوم التناد لازم ناخذ بالنا من كلمة نادى دي بين أهل الجنة وأهل النار " **وَنَادَى أَصْحَابُ النَّارِ أَصْحَابَ الْجَنَّةِ أَنْ أَفِيضُوا عَلَيْنَا مِنَ الْمَاءِ أَوْ مِمَّا رَزَقَكُمُ اللَّهُ قَالُوا** " قالوا كلهم بقي على قلب واحد يكره أهل النار في ناس تقولك لما ندخل الجنة هيصعب علينا أهل النار فيقولك لا " **قَالُوا إِنَّ اللَّهَ حَرَّمَهَا عَلَى الْكَافِرِينَ** " يعني أهل الجنة كلهم أصلاً بيكرهوا أهل النار

أثر بن عباس رضى الله عنه :-

" **وَنَادَى أَصْحَابُ النَّارِ أَصْحَابَ الْجَنَّةِ** "

هنا طبعاً معنى خطير جداً في الشرح قال (بن عباس رضى الله عنه) : " **لما صار أصحاب الأعراف إلى الجنة طمع أهل النار بفرج بعد اليأس** " يعني شوفوا الترتيب الخطير أن لما أهل النار شافوا يعني أهل النار سبحان الله العظيم أهل النار لما يروا أصحاب الأعراف رايعين الجنة ولما يروا برضوا الموحدين خرجين من النار يعني دي مشاهد رهيبه ولما يروا البهائم تصير تراب يعني كل المواقف دي القرآن صورها تصوير رهيب

" **لما صار أصحاب الأعراف إلى الجنة طمع أهل الجنة بفرج بعد اليأس طمع أهل الجنة بفرج بعد اليأس** فقالوا يارب أن لنا قربات من أهل الجنة فأذن لنا حتى نراهم ونكلمهم " فربنا يعلم بقى اللي هما فيه فربنا بيأسهم أكثر إزاي بقي

" **فأمر الله الجنة فتزحزحت ثم نظر أهل الجنة إلى قرابتهم في الجنة وما هم فيه من نعيم فعرفوهم ونظر أهل الجنة إلى قرابتهم من أهل جهنم فلم يعرفوهم** " يا نهار أبيض يعني كلمة تحرق القلب ده يا جماعة فعلاً آثار تحرق القلب والله يا جماعة الآثار دينت يعني المفروض أن أحنا نعرضها على قلوبنا كل يوم ونفكر

ونظر أهل الجنة خلاص بقى مفهومش بقى تفحموا والعياذ بالله ويعني ونظر أهل الجنة إلى قرابتهم من أهل جهنم فلم يعرفوهم وقد أسودت وجوههم وصاروا خلقاً آخر فنأدى أصحاب النار أصحاب الجنة بأسمائهم يا فلان يا فلان

وقالوا " **أَفِيضُوا عَلَيْنَا مِنَ الْمَاءِ** "

طب كلمة أفيضوا دي معناها آيه أن العطش اللي فيهم أنهار مترويهوش أن النار اللي حوليهم أنهار متطفيهاش فيقولوا " **أَفِيضُوا عَلَيْنَا مِنَ الْمَاءِ** " فنأدوا " **أَفِيضُوا عَلَيْنَا مِنَ الْمَاءِ** " وإنما طلبوا الماء

خاصة لشدة ما في بواطنهم من الإحترق واللهيب بسبب شدة حر جهنم بسبب شدة حر جهنم والعياذ بالله

يبقى إذن قول الله تعالى " **أَفِيضُوا** "

دلالة على أن أهل الجنة أعلى مكانا من أهل النار فإن قيل أسألوا مع الرجاء والجواب أم مع اليأس؟ قلنا طبعا خلاص بقى مع اليأس والعياذ بالله مع اليأس والعياذ بالله .

أثر أبي الدرداء رضى الله عنه :-

طيب هنا أبي الدرداء برضوا أثر مرعب يعني فعلا والله يا جماعة فعلا هنا أثار لو جمعت وعرضت على القلب لأذهلته يعني أبي الدرداء هنا يقول أثر يقول :

" إن الله تعالى ليرسل على أهل النار الجوع هو هنا يقولك أول مرحلة أولها بس لسه الجوع حتى يزداد عذابهم فيستغيثون فيغاثون بالضريع لا يسمن ولا يعني من جوع ثم يستغيثون فيغاثون بطعام زي غصة يقف في الزور بقى والعياذ بالله يقف في الحلق بقى والعياذ بالله عذاب رهيب ثم يذكرون الشراب فيستغيثون فيدفع إليهم الحميم والصدید بكلايب الحديد فيقطع ما في بطونهم ويستغيثون إلى أهل الجنة " كما في هذه الآية

مراحل عذاب أهل النار عند دخولهم النار :-

- 1- يبقى المرحلة الأولى الجوع
- 2- المرحلة الثانية يقوم يجي الضريع
- 3- المرحلة الثالثة يقوم يجي الطعام اللي زي غصة
- 4- المرحلة الرابعة يقوموا يشربوا الحميم والصدید
- 5- المرحلة الخامسة الإستغاثة بأهل الجنة وأهل الجنة يقولولهم " **إِنَّ اللَّهَ حَرَّمَهَا عَلَى الْكَافِرِينَ** "
- 6- المرحلة السادسة فيقولون " **يَا مَالِكُ لِيَقْضِ عَلَيْنَا رَبُّكَ** " [الزخرف: 77] فيجيبهم بعد ألف سنة " **إِنَّكُمْ مَّا كُنْتُمْ** " [الزخرف: 77]
- 7- المرحلة السابعة يستغيثوا بالله بقى " **رَبَّنَا أَخْرِجْنَا** " [المؤمنون: 107] فيجيبهم " **أَخْسَنُوا فِيهَا وَلَا تَكَلِّمُونِ** " [المؤمنون: 108]
- 8- المرحلة الثامنة عند ذلك فييأسون من كل خير ويأخذون في الزفير والشهيق والعياذ بالله يعني شئ مرعب والله يا أخواني شئ مرعب أن الأثار ديه تبقى بالمنظر ده وأحنا مش قادرين نعيش معاها

أثر عمر رضى الله عنه :-

برضوا أثر خطير جدا عن (عمر) برضوا ذكره قال عن عبد الله ابن عمر " أنه شرب ماء باردا فبكى وأشدت بكأوه " يعني واحد عايش مع الدار الآخرة " فقل ما يبكيك قال ذكرت آية من كتاب الله تقول " **وَحِيلَ بَيْنَهُمْ وَبَيْنَ مَا يَشْتَهُونَ** " [سورة سبأ: 54] فعرفت أن أهل النار لا يشتهون شيئا شهوتهم إلى الماء البارد "

أنواع عذاب النار :-

يعني الأثر ده بي فكرنا بحتة أياه أنواع عذاب النار أحنا قلنا

- 1- عذاب العطش
- 2- عذاب الجوع
- 3- عذاب رؤية النعيم اللي مش قادرين يوصلوله عذاب رؤية نعيم أهل الجنة وهو ممنوع عليهم تماما وممنوع عليهم بقى أياه اللي هي " **وَحِيلَ بَيْنَهُمْ وَبَيْنَ مَا يَشْتَهُونَ** " [سورة سبأ: 54]
- 4- عذاب ألم الموت إلى آخر أنواع العذاب

مدارسة للمعاني المؤثرة :-

إلى هنا أحنا حنقنا المرة دي بإذن الله سبحانه وتعالى أن عايز كل واحد منكم دلوقتي يقول لي أيه أكثر معنى أثر فيه في هذه الآيات كل واحد وواحدة منكوا يقولوا أيه أكثر معنى أثر فيه في هذه الآيات بإذن الله أحنا قربنا نخلص العشر أجزاء الأوائل يا جماعة يعني أحنا ممكن نعمل امتحان أصلاً لما نخلص آيات التوبة كمان إن شاء الله نعمل امتحان على آيات الآخرة في العشر أجزاء الأوائل في القرآن
يلا منتظر بقى

أهل الجنة لم يعرفوا أهلهم في النار ... آه معنى مؤلم أوى معنى مؤلم فعلا يعني يمكن ده أشد ألم يعني ألم لما أهلهم في الجنة لا يعرفوهم يعني ينادوا يقولهم أنتوا مين

أنواع عذاب النار رؤية نعيم أهل الجنة بيتفرجوا على توزيع جنتهم الجوع العطش ألم الموت التجديد المستمر و... في ناس لحقت أهه ... أسلوب اليأس والتينيس الخزي الحريق أنه بيتحرق والعياذ بالله الوحدة الجزاء من جنس العمل الحرمان من رؤية الله ومن كلام الله... فعلا جزاك الله خيراً تجميعاً جميلة فعلا ... اللي بعدها قالت لها جزاك الله خيراً ماشاء الله

" وَحِيلَ بَيْنَهُمْ وَبَيْنَ مَا يَشْتَهُونَ " فعلا عذاب مهول أنه شايف أدامه الميه ومش قادر

أهل الجنة لا يعرفوا أهلهم في النار ... ماشي

" أَنْ أَفِيضُوا عَلَيْنَا " كلمة ملهوف أوووي أستغائة شديدة أوووي ... فعلا ...

أن الفراش والمهاد من نار يعني ده عذاب مهول

" وَنَزَعْنَا مَا فِي صُدُورِهِمْ مِنْ غَلٍّ " صفاء قلوب أهل الجنة من الغل والحقد أي والله معنى مؤثر أوووي

يعني ياارب ربنا يظهر صدورنا ياارب ربنا يزكي نفوسنا يارب

جاهد في تطهير قلبك من الآفات في الدنيا حتى لا تطهر بأنواع العذاب في الآخرة ماشاء الله فعلا معنى عملي بقى في ناس بتجيب معاني مشاعر وناس بتجيب معاني عملية

عذاب أهل النار والعياذ بالله لما بيشفوفوا النعيم اللي أهل الجنة فيه وقد أيه هما فرطوا في حق ربنا في الدنيا والعياذ بالله جزاك الله خيراً ...

" لَهُمْ مِّنْ جَهَنَّمَ مِهَادٌ وَمِنْ فَوْقِهِمْ غَوَاشٍ " ... ماشي ...

" أَوْرَثْتُمُوهَا " بأي عمل يستحق أن يورث الجنة

والله أكثر ما تمنيت بعد سماع الدرس ألا يدخل أحد النار من المسلمين ... يارب يارب ربنا لا تعذبنا بالنار أبدا يارب ويحرم أجسادنا على النار يارب اللهم آمين

أن النبي صلى الله عليه وسلم قال " لن ينجو أحد إلا برحمة الله " ... فعلا معنى خطير جدا

أن نفسي المعاني دييت برضوا تجمعوهالي يعني المعاني اللي الناس قيلها يعني أيه اللمسات اللي لمست قلوبنا كلنا يعني فعلا بتبقى جميلة يعني بتبناها كلنا

ندم عندما يروا أهل النار مقامهم في الجنة لو أطاعوا الله إحساس الندم من أشد العقوبات النفسية

ده مش ندم بقى ده كل مشاعر اليأس والقهر والحسرة مش حيبيوه إنسان بيتقال له القصر ده كان بتاعك وأنت اللي ضيعته وبيتقاله أمتى وهو بيتحرق بيتحرق بيتقال له الميه دي كانت بتاعتك النهر ده كان بتاعك وهو حيموت من العطش أن يتقال له أشجار الفواكه كانت بتاعتك وهو حيموت من الجوع أن يتقال له الظلال دي كانت بتاعتك وهو حيموت من الحريق أن يتقال له الصحبة والملايكة دول كانوا حيبقوا معاك وهيخدموك وهو بيموت من الوحدة معنى مهول يا جماعة يعني معنى مهول فعلا أن هذاااا كان مقامك في الجنة لو كنت أطعت الله أصل فصليها عشان تفهميها أن مقامك في الجنة بس يعني على بعضها لا متخديهاش وان باكدج لاء فصليها

الطريق إلى الله مش بالذراع ولكن بالله الله هو اللي بيوصلنا ... يارب ...

أنواع من العذاب أول مرة نعرفها أعوذ بالله منها ... يعني أنواع عذاب النار لا تحصى طول ما أنت يا أم يوسف هتذاكري بس في الكتاب هتكتشفي 50 ألف نوع من عذاب النار غير اللي نعرفهم و50 ألف نوع من أنواع نعيم الجنة غير اللي نعرفهم.....

عذاب النار لم نكن نتوقعه مثل ذلك وكل هذا " وَكَذَلِكَ " ... آه يعني أحنا مش متوقعين وكل ده وكمنا وكذلك اللي هي بقى " وَكَذَلِكَ نَجْزِي الظَّالِمِينَ " أن ده تشبيهه كمان إنما عذاب النار أشد أي أيضا ما يوجد في النار ما هو فوق كذا والعياذ بالله يرسل الله لهم الجوع لعذابهم....جميل

أن الجنة لا يدخلها بالعمل ... يارب ... رحمة الله حتى ظن أهل النار أنها ستشملهم أيوووه أبلّيس نفسه يرفع رأسه يوم القيامة في صحيح مسلم "يظن أن رحمة الله ستأله"

ما سيدخلك الجنة هو الأفتقار قبل المجاهدة ... فعلا جزاك الله خيرا دكتور محمد أيوه كذا التعليقات الجميلة دي وحشني يا أخي نفسي أشوفك والله ربنا يحفظك اللهم آمين يارب

" إِنَّ اللَّهَ حَرَمَهُمَا عَلَى الْكَافِرِينَ " يعني كلام طبعاً يقطع القلب الحي لما قارنته بنعيم الجنة جعل الرغبة في دخولها له رغبة أكثر لما قارنته بنعيم الجنة لما العذاب أتقارن بالنعيم آه رغبة الجنة زادت أكثر فعلا

" اخْسئُوا فِيهَا وَلَا تُكَلِّمُونَ " الحرمان من كلام الله نوع مهول من العذاب تذكرت بكاء النبي عندما قال جبريل عليه السلام عن أنواع النار في حديث يزيد ... وعلم النبي ان في مسلمين ممكن يتعذبوا معني تقيل جدا على القلب أن في مسلمين ممكن يتعذبوا العذاب ربنا يحفظنا ... يعني يا جماعة ده في آيه ده في حاجات خطيرة جدا اللي هي أقل أهل النار عذابا هاا وأول يوم في النار دي عناصر والله بفكر أكلكم بأبحاث تعملوها يعني أنا نفسي شوفوا لو رأيكوا أن أنا أكلكم بأبحاث يعني مثلا مين مين مثلا تكلف النهارده ببحت عن مثلا أول يوم في النار دوري بقى مين تكلف ببحت مثلا أنواع عذاب النار مين تكلف مثلا ببحت عن أقل أهل النار عذابا هااا والعياذ بالله يعني حاجة كويسة يعني ... وكل هذا فعلا " وَكَذَلِكَ " ...طيب

بعد كذا الحسرة اللي في قلب من دخل النار أكبر من شعوره بلذة كما ستكون الجنة لك خالصة دون غيرك فاجعل عملك خالص ... الله أكبر يارب فعلا يارب الإخلاص فعلا اللهم أرزقنا الفردوس يارب اللهم أرزقنا الفردوس الأعلى يارب فعلا الله أكبر تذكرت كلماتك يا شيخ بعد كل ده بأيه ... ماشي يارب أطف بينا يارب

أريد أن أسأل عن حديث يزيد الرقة في وصف النار صحيحا ... معلى أنا مش مركز في الورق دلوقتي أنا النور مقطوع عندي يا أخت معلى ...

الصدمة التي في أهل النار لما يطلبوا الماء من أهل الجنة وأنهم في ثقة أنهم سيعطوهم ماء لأنهم طلبوا كثيرا " أَفِيضُوا عَلَيْنَا " ... جزاكم الله خيرا وأنتم كذلك ...

ليكمل النعيم في الجنة أنما الله ليكمل النعيم في الجنة بقى بنزع الغل ... يجب أن نحصر على تزكية النفس أمراض النفس البشعة ...

أصعب شئ أن ربنا يقولهم " اخْسئُوا فِيهَا وَلَا تُكَلِّمُونَ " بجد شئ صعب أن ربنا اللي أعد لنا أنواع النعيم ده كله أنك تلاقي حد بيحبك أووي كذا وبيعدلك أنواع مختلفة من النعيم وأحنا مازلنا نعصي أهو هو ده ده يا أخت وده مين اللي كاتب ده (أم عبد الرحمن) ولا (تغريدات روحية) أهو ده من أنواع نعيم الجنة من أنواع نعيم الجنة أن اللي أعد ده لنا ربنا يعني ده نوع نعيم غريب جدا يارب

كل معصية نفكر في عملها المفروض نستحضر قبلها عقوبتها ...ربنا يحفظنا ... الأبحاث حتنشطنا ... ماشي ماشي بس أنت واحدة بتقوللي أنا مش هدخل في الموضوع ده إلا لو جه عام ياريت برضوا أتئين ...

فَعَلَا نَفْسَنَا إِنْ لَمْ نَشْغَلْهَا بِالطَّاعَةِ شَغَلْتَنَا بِالْمَعْصِيَةِ ... أَيُوهُ طَبْعَا يَا بِنْتِي أَمَالِ أَيَهُ أَلَمْ تَسْمَعِي قَوْلَ اللَّهِ " وَيَذَرُّونَ بِالْحَسَنَةِ السَّيِّئَةَ " [الرعد:22] يعني أيه "يَذَرُّونَ" يعني مش معناها بس بيدروا السيئة بثواب الحسنه أن هما بيدفعوا شهوتهم أتجاه المعصية بأنشغالهم بالطاعة أن أنشغالك بالجنة بيخليك تبعدني عن المعاصي اللي بتدخل النار فكر عميق جدا القرآن عميق جدا ..

أنواع العذاب دي كلها لازم نسال فيها سؤال أيه اللي يستاهل ... أي والله أيه اللي يستاهل

أنا معاكم في الأبحاث .. ثلاثة .. السلام عليكم ... وعليكم السلام ... تصويت على الأبحاث ... لا مفيش تصويت على الأبحاث الموضوع مش محتاج تصويت لو الناس سخنانا حتنتلق ...

لازم نعيم الجنة يفكرنا بعذاب الآخرة كما فعل ابن عمر رضي الله عنه ... أيوه فعلا بس هي مش نعيم الجنة أه نعيم الدنيا لازم نعيم الدنيا يفكرنا بعذاب الآخرة فعلا

أحيانا مشاكل الحياة بتنسينا كل ده

اللي عايز بحث ... عليكم السلام ورحمة الله وبركاته

كلمات (أبو الدرداء) مؤثرة جدا علي كل قلب حي ... ربنا يبارك فيكم ...

أبحاث :-

لأ متبقيش طماعة بقى ... طيب يلاق قولولي مين تكتب بحث أو يكتب بحث في أنواع عذاب النار هااا عايزين في كل بحث 2 يلا أنواع عذاب النار يقول أنا أو تقول أنا أنواع عذاب النار اللي عايزه يكتب أنا يبقى (أم عبد الرحمن) و (محمود) بيعتوا الورقة على نفس البوست خلاص لا (سلسبيل) خلاص راح عليها

طيب اللي بعد كدا ... طيب أنواع أحنا قلنا أنواع عذاب النار طيب أنواع نعيم الجنة مين اللي تاخده تكتب أنا لا أنا معلش يا جماعة أنا معلش أنا أسف اللي يكتب أنا اللي عايز أنواع نعيم الجنة يكتب أنواع نعيم الجنة يكتب الكلمة كدا يكتب أنواع نعيم الجنة لأن أنا معرفش مين اللي يجاوب على السؤال القديم ولا الجديد يكتب أنواع نعيم الجنة أدي (الموحدة والمشتاقه) خلاص (الموحدة والمشتاقه) أيوه يا (سلسبيل) يبقى الأثنين دول يجبوها

طيب أول يوم في النار يكتب أول يوم في النار اللي هياخد أول يوم في النار يكتب أول يوم في النار أول يوم (أسماء وأمة الله) خلاص أخذوها لا (سلسبيل) كدا يعني ههههه... أول يوم في النار طيب لسه أبحاث أيه كمان طيب أقل أهل النار عذابا يعني أقل أهل النار عذابا يكتب برضوا أقل أهل النار عذابا أه المرة الجايه أقول لكم أقل أهل النار عذابا يكتب أقل أهل النار يبقى (سلسبيل وأم نوار) خلاص... كدا أسماء ما أنت خدتي واحدة البحث لأ أنا مش عايز البحث كام صفحة المهم الفهم يعني ممكن الواحد في سطر في واحد خد نوبل يا جماعة بورقة ورقة خد نوبل اللي هو قال الدوا اللي بيعالج الذبحة الصدرية اللي بيتحت تحت اللسان ده خد نوبل فيها تبيقى مش قضية أن أنت تكتبلي 20 صفحة القضية قضية أنك تكتبلي الكلام اللي فيه فهم يعني أقروا صح ودورا صح ودورا على أنت وأسمعوا وكدا وقولي خلاص يبقى أيه يبقى أذن دي أنواع أبحاث قلناها

الدرس القادم :-

المرة الجايه ناخذ أيه بقى إن شاء الله المرة الجايه ناخذ سورة الأنفال " **وَلَوْ تَرَى إِذْ يَتَوَفَّى الَّذِينَ كَفَرُوا ۗ الْمَلَائِكَةُ يَضْرِبُونَ وُجُوهَهُمْ وَأَدْبَارَهُمْ وَذُوقُوا عَذَابَ الْحَرِيقِ " [الأنفال:50] دي سورة الأنفال وسورة التوبة " **وَعَدَّ اللَّهُ الْمُؤْمِنِينَ وَالْمُؤْمِنَاتِ جَنَّاتٍ تَجْرِي مِنْ تَحْتِهَا الْأَنْهَارُ " [التوبة:72] وهنسيب ... " **إِنَّ اللَّهَ اشْتَرَى " [التوبة:111] للمرة اللي بعدها لأن " **إِنَّ اللَّهَ اشْتَرَى " [التوبة:111] دي بصراحة عايزه واقفه عايزه واقفه يبقى ناخذ الآيتين اللي جاين بس آية الأنفال " **وَلَوْ تَرَى إِذْ يَتَوَفَّى الَّذِينَ كَفَرُوا ۗ الْمَلَائِكَةُ " والآية اللي بعدها بتاعت التوبة " **وَعَدَّ اللَّهُ الْمُؤْمِنِينَ وَالْمُؤْمِنَاتِ جَنَّاتٍ " ... إنما " **إِنَّ اللَّهَ اشْتَرَى " لأ مش داخله معناها المرة الجايه**************

ربنا يسددكم ربنا يبارك فيكم وربنا يهديكم يارب اللهم آمين وربنا يحفظكم
ما أحنا قلنا بقى البحث مش بالصفحات يا أخواني البحث مش بالصفحات وشدوا حيلكم يا جماعة
خلاص أحنا كدا إن شاء الله وبإذن الله يبقى أنتم الأسبوع ده همتكوا
رقم واحد التعليقات على سورة النازعات خلاص بقى أسمع بقى كلام الأسود بقى ذاكروا بقى كويس
أوووي أووووي وقيمتوا الليل كويس أووووي وجيبولي أكبر آيات عشتوا معاها وأكبر معاني عشتوا
معاها عايز تعليقاتكم عليها إن شاء الله وبإذن الله
لا أنا مش عايز أبحاث تاني لما نختبر الأول اللي أخذوا الأبحاث ديه أبقي أكلفكم بأبحاث تانيه إن شاء الله
وبإذن الله الحاجه التانيه بالنسبة للدعوة حتذاكروا الآيتين اللي قتلتم عليهم والأخوة اللي أخذوا الأبحاث
يكتبوها ويبعتوها بقى إن شاء الله وبإذن الله
ربنا يسددكم ويبارك فيكم سبحانك اللهم وبحمدك أشهد أن لا إله إلا أنت أستغفرك وأتوب إليك